

ПРИЛОЖЕНИЯ.

I.

Посланіе Кирилла къ Антонію второму.

„Кириллъ Божією милостію архіепископъ бѣлокринацкій и всѣхъ древаеправославныхъ христіанъ митрополитъ.

„Преосвященный епископъ, по духу святому возлюбленный брате и сослужителю нашея мѣрности господине Антоніе, благодать буди твоему преосвященству и миръ отъ Бога, и да умножитъ Господь Богъ дѣла живота твоего, и утвердитъ те въ вѣрѣ твердѣ и непоколебимѣ, еже исправляти слово своея истины. Возлюбленный брате, боголюбивый епископъ Антоній, внуши глаголы сего моего завіщанія и приими сіе во исполненіе, не токмо слухомъ, но и дѣломъ потщися исправити, да будеши добрый дѣлатель винограда Христова, по реченному, приемшему 10 мѣся; рече Господь: на кого взгляну? на кроткаго, и смиреннаго, и трепещущихъ словесъ моихъ: яко всякъ возносяйся смирится, и смиряйся вознесется. Да будетъ смиреніе твое, еже пребывати въ любви не лицемерѣя со всѣми нашими единовѣрными боголюбивыми епископы, а наипаче, аще пригласятъ тебя съ прочими священными лицы на московскій соборъ, то не откажитесь отъ онаго собора и примиритесь съ архіепископомъ Антоніемъ. Докогда сія вражда будетъ между вами? Да будеши подчиненъ архіепископу Антонію; сотвори по Господню словеси: хотяи въ насъ болѣи быти да будетъ всѣмъ рабъ и слуга, и Господь, видя твое смиреніе, превознесетъ тя паче всѣхъ; да во время божественнаго служенія божественныя литургіи призовемъ Святаго Духа чистымъ сердцемъ, да совершаемъ жертву чисту, непорочну и богопріятну, еже приметъ Господь Богъ въ пренебесный свой жертвенникъ. Безъ любви же ничтоже пользуетъ; иссуши плоть свою аки мѣдъ звѣнящую, или аки кимвалъ звѣчая, и аще имамъ всю вѣру яко и горы представляти, и аще раздамъ вся имѣнія моя, и аще предамъ тѣло мое во еже сожещи е, любви же не имамъ, ни коея пользы ми есть; любви долготерпѣть, милосердствовать, не завидуетъ, не превозносится, не гордится, не безчинствуетъ, не ищетъ своя си, не раздражается; и накі: бодрствуйте, стойте въ вѣрѣ, мужайтесь, утвержайтесь, вся вамъ любовію да бывають. Докогда будетъ въ поношеніи святая и непорочная древаеправославная Христова церковь? Единъ другаго порицають еретиками, жидами, и единъ другаго проклятію предають, еже страшно слышати, что единыя матере св. церкви сынове раздѣляются на двое, чрезъ *Окружное Посланіе*, за которое

заповѣ. For Evaluation Only.

оное и въ домъ вашемъ по имени ому, по единому богу, единая вѣра, единое крещеніе, и вѣровати подобаетъ во едину соборную и апостольскую церковь; понеже сынове единыя матери святой церкви и хиротомисаніе единого пастыря Ісуса Христа и божественной благодати Святаго Духа, то по-что порицать единъ другаго еретиками? Вамъ самимъ не безызвѣстно, что чрезъ сіе наше неустройство начали малодушніи отъ вѣры отступати, которые обратились въ свою ересь, которые въ непоповцы, которые священства нашего не стали принимать; смотрите: кто ихъ погибели будетъ виновенъ? да не како чрезъ наше неустройство въ день испытанія възвѣщеть праведный Судія отъ нашея руки души овѣхъ человекъ? Но потщимся исправить себе; молю и прошу васъ всѣхъ единовѣрныхъ, — сотворите между собою любовь и помиритеся. Итакъ, по реченному: тако да просвѣтитесь свѣтъ вашъ предъ человекъ, яко да видятъ ваша добрая дѣла и прославятъ Отца вашего, иже на небесѣхъ. Пагубнѣе же всего гордость; гордость же есть отметаніе Бога. Иже аще соблазнитъ единого отъ малыхъ сихъ вѣрующихъ въ Мя, добрѣе есть ему паче аще обложить камень жерновный о выи его, и вверженъ будетъ въ море. Добро соль, аще же соль не слава будетъ, чимъ осолится? Имѣйте соль въ себѣ и миръ имѣйте между собою, да и Богъ съ вами пребудеть. Святіи апостоли не искали славы отъ человекъ, но всею сердечною мыслію упованіе имѣли на будущую славу въ ономъ некончаемомъ вѣцѣ; тако и насъ наследники по себѣ оставиша.

„Итакъ да будутъ милости великаго Бога и Спаса нашего Ісуса Христа со всѣми вами, аминь.“

„Итакъ вся вышеписанная заповѣдаю и увѣряю своеручнымъ подписомъ и своею святительскою именованною печатью.“

На подлинномъ подписано: „Смиренный митрополитъ Кириллъ, августа 2-го 7373 года (1865).“

„Бѣлокриницкая митрополія.“